

891.99-82

4-33

391.542-82

4-53

ԿԱՐՄԻՐ ՄԵԽԱԿՆԵՐ

ԵՐԿՐՈՐԴ ՊՐԱԿ



Թ Ի Ֆ Լ Ի Ս

Էլեքտր. տպարան «Է Պ Օ Խ Ա», Մուգեյսկի № 3.

1914

4-33

56 NOV 2011

№ 4

4

ՀԱՐՄԻՐ ԳՐԱԴԱՐԱՆ

№ 4

144

ԿԱՐՄԻՐ ՄԵԽԱԿՆԵՐ

ԵՐԿՐՈՐԴ ՊՐԱԿ



12129-57

Թ Ի Ֆ Լ Ի Ս

Ելերարձեռնարան «Է Պ Օ Խ Ա», Մուգեյսկի № 8.

1914



Ք Ա Ղ Ա Ք Ր

Ահա քաղաքը... հսկայ բուրգերի
մի զանգւած է այն,
Թէ միապաղաղ պողպատից ձուլւած
լեռների շարան,
Ուր թրամների, հեռախօսների
ցանցերը անխոնջ
Շարժի են բերում, աղմկում կեանքի
երակները ողջ:

Ահա փողոցը... մեծ, երկնք ու լայն—
գետի է նման,
Ուր ոլորտներով ծփում է, եռում
հոսանքը շարժման.
Եւ ուր վիթխարի շէնքերը քարէ
երկնահույ շարքով
Կապոյտ մի ճամպայ եզրել են վերից
անհուն լազուրքով:

Այստեղ ցուլի պէս բառահչում է, տես,
կառքը ինքնաշարժ,
Այնտեղ աղմկում հանրակառքերը,
թրամները վարժ,

Սրանց արանքից ծիծեռնակի պէս
սուրում են ճարպիկ
Հեծանիւները՝ շալակն առած
կին, աղամարդիկ...

Եւ այս ամենը, և՛ կառք, և՛ թրամ
վազքով խառնեց
Հզօր, դիւթական գաղտնի մի ձեռքով
ալիքանման՝
Պտոյտ են գալիս, որպէս համաչափ
թէմպը սլաքի,
Ու չեն խանգարում թանչը քաղաքի,
հեքը քաղաքի:

Եւ գոհ է այստեղ մարդը այսօրւան —
ոյժի ու փառքի,
Որ այս ժխորում ծծում է առողջ
հիւթերը կեանքի,
Ծծում է, քամում բոյր ու հրապոյր,
յափրում, արբենում,
— Ու չէ յագենում... ու չէ յագենում...

Օ՛, այս խնջոյքի ոլորտումներին, լոյս փո-
ղոցների հնչիւն երգերին
Անմաս է միայն ստեղծուին այն,
Որ շուք է տւել նրա վերամբարձ բազմա-
յարկերին,
Ինքը մնացել մոռացած, մենակ,
որպէս խորթ զաւակ:

Յւ բանակ դրած քաղաքածայրում —
որպէս գոռ ալիք,
Այստեղ ձուլում է գործարաններում
սերունդը գալիք.
Օ՛, հետեցէք նրա փոթորկող
սրտի բաբախման,
Նա էլ իր խոհերն, իր յոյզերն ունի
իր գեր-նպատակ,
Որի ծով-թափին չի դիմանալու
հչ մի ամբարտակ...

Յակոբ Յակոբեան

Ա Չ Բ Ը Բ Ա Յ Ի Ե Ց .

Ի խաչենց Օհանը գիւղից նոր էր եկել Բալախանի գալուց համագիւղացիներէից շատերի համար բերել էր նախակներ՝ լի ուրախ ու տխուր լուրերով, իսկ իր հարեան Վանէսի համար, որը նախաճանձերում կաթսավարի պաշտօն ունէր, բացի նամակից՝ բերել էր և՛ «աչքալուսէք»:

Վանէսի կինը մի տղայ էր ծնել, և երբ այդ լուրը հասաւ համագիւղացիներին, նրանք շրջապատեցին ընկերով, աչքալուսէք արին ու միաձայն գոչեցին:

— Մաղարիչ, մաղարիչ...

Կաթսավարը տեսնելով նրանց ուրախութիւնը, սրտի խորքում ինքն էլ հրճւեց, արտասուքը աչքերին շնորհակալութիւն յայտնեց ու ասաց.

— Մաղարիչը՝ աչքիս վրայ. դէ որ ասում էք— իրիկունը «վախտից» յետոյ հաւաքւեցէք մի քիչ «ծամ» ու ծում» անենք:

* *

Ժամի 8-ին երեկոյեան, երբ Բալախանու բանուորութեան «ազատ» մասը խոր քուն մտած հանգստանում էր, որ զիշերայ ժամի 12-ին «ամէնան» փոխարինելու գնայ, Վանէսի հիւրերը— թւով տասը-տասներկու հոգի— հաւաքւել էին ստորին ծառայողներին համար յատկապէս շինած սեղանատուն ու զրոյց էին ա-

նում: Շրջապատելով Օհանին, նրանցից ամեն մէկը իր տան ցաւ ու դարդից էր հարցնում. Օհանն էլ իր հերթին, որին լաւ, որին վատ պատասխանում գոհացում էր տալիս:

Երբ հարց առնել ու տալը վերջացաւ, ստացած լուրերի տպաւորութեան տակ սկսեցին իրենց ներկայ կացութիւնը համեմատել գիւղի հետ, վերջն էլ նկատեցին.

— Մարդ որ սոված էլ լինի՝ իրա տան դռանը լինի... տունը քաղցր բան ա...

Օհանը «հըմ» արեց, գլուխը խորհրդաւոր կերպով շարժեց ու կտրուկ ասաց.

— Դրո՛ւստ չէք խօսում:

Հսոյները մնացին զարմացած այս յանկարծակի յայտարարումից. գիւղացին նրանց տարակուսանքը տեսնելով, աւելացրեց.

— Թէ որ ձեր ասածը դրո՛ւստ ա, բա ըստեղ ի՞նչ էր շինում:

Այս անգամ Օհանի խօսքերը այնպէս հասան նպատակին, որ էլ առարկելու տեղ չը մնաց: Այդ խօսքերը տեղիք տւին նրանցից ամեն մէկին յիշելու այն պայմանները, որից ստիպւած պանդխտել էին. էլ հողի պակասութիւն... էլ վաշխառուի տոկոսներ... էլ կարիքից տան իրերի վաճառքի հանելը... և այսպէս մէկ-մէկ յիշելով սկսեցին տխրել ու մտքերում Օհանի հետ համաձայնել. բայց մասծելով, որ այստեղ հաւաքւել են քէֆի համար— իսկ Վանէսը դեռ չկայ— հայեացքները ակամայ ուղղեցին դէպի սեղանատան մուտքը:

Նստածներից մէկը շատերի միտքը հասկանալով, նկատեց.

— Վանէսը քաղաք ա գնացել, երեի շուտ չի գալ...

—Տեսնում էք, կամենալով տրամադրութիւն ըստեղծել,—վրայ բերեց Օնանը. կնիկը տղայ ա բերել, ուզում ա լաւ քէֆ նշանց տայ...

* *

Գիշերապահ «թովալ» վարդազարը, կարծելով թէ կեր ու խումը սկսել է, ներս էր մտել կոկորդը «թաց» անելու. բայց տեսնելով, որ տղերքը իրենց համար հանգիստ նստած զրոյց են անում, այնպէս ձևացրեց, թէ մարդի է ման գալիս՝ ու հարցրեց.

—Մուքին ըստեղ չի՞...

Ասլա առանց պատասխանի սպասելու՝ դուռը փակելով, յետ գնաց:

Տիրեց մի առ ժամանակ տաղտկալի լուսթիւն. սպասողական այս դրութիւնից ձանձրացած, հիւրերից մէկը իր շուրջը նայելով, յօրանջեց ու ջրակալած աչքերը ձեռքով տրորելով, ասաց.

—Ապրուստը դժւարացել ա:

Նրանցից մէկը, յիսուն տարին անց, կորացած մէջքով մի գիւղացի, պատասխանեց, որ համաձայն չէ:

—Յիսուն երկու տարեկան մարդ եմ, խօսեց նա, երկու տարի ա դարիբութիւն եմ քաշում. գիւղում մեր թովլան սրբելուց սաւահի ուրիշ բան չեմ իմացել. ամառները չօլում, ձմեռները տաւարի մօտ — գոմում. ամմայ... ըստեղ ուրիշ բան ա... ու ձեռքը դէպի ելէք — տրական լոյսը մեկնելով, աւելացրեց.

—Էս փանարը, որ ինքն իրան առանց կրակի, առանց ճրագի վառում, լոյս ա տալիս — ինձ աւելի շատ բան սովորեցրեց, քանց գիւղում յիսուն տարի ապրելիս... Էս փանարը ինձ ասում ա, որ մենակ մեղ պէս անձարներն են վատ ապրում... դեռ հալա ինձ դնամիշ անող կըլի թէ՛ խի՞ ես Ասծու սրտին քարով տալիս, հակառակ

բան ասում. լաւ, տեսնում չէ՞ք, որ ում ճակատին ինչիների նշան կայ, նա էլ լէն ա ապրում...

—Հողը մեր գլխին... շարունակեց նա յուզւած, գելերի, արջերի մէջ ենք ապրել, մեծացել, հենց ենք գիտացել, թէ մեզնից դէնը աշխարհ չկայ. հրէս երեսէքս բերել եմ տւել ուսում տալու... նրանք էլա լաւ օրում ապրեն...

Ասաց ու լռեց ծերունին:

Շրջապատող նոր երևոյթները, շոգիի, ելէքարա-կան ոյժի գործադրութիւնը, որը երբեմն ստրուկ մարդուն նրա իշխողն է դարձնում, Մանասի (այսպէս էր գիւղացու անունը) մտքերը յեղաշրջել էին. նա կամեցաւ էլի ինչ-որ բան ասել, սակայն նրա ըմբռնողականութեան չափը հնարաւորութիւն չէր տալիս բառեր որոնել՝ մտածածն ու զգացածը որոշակի արտայայտելու ու բաւականացաւ նրանով, որ նորից պնդեց.

—Էս փանարն էր, որ իմ աչքը բացեց...

Շրջապատողներից մէկը, կաթսավար Դանիէլը աչքերը արագ ճգնաճեղքելով, տեղից վեր կացաւ ու կամենալով իր գիտութիւնը նոյնպէս ցոյց տալ, հանդիսաւոր կերպով նկատեց.

—Մի բան պակաս ասեցիր, Մանաս դայի. մենակ փանարը չի մեր աչքը բացողը... բա էն իրէք ատաժանի տները, բա էն էլէքտրիչնի մաշինը... վիշկաներն ու բուրուզները... սրանք փանարից պակաս են... Եւ ուզեց էլի նոր օրինակներ բերել, բայց այդ բոպէին սեղանատան դուռը բացւեց ու լսեց Վանէսի ձայնը:

* *

—Բարի ըրկուն ձեզ...

—Այ, Ասծու բարին քեզ... Էդքան ուշանալ կըլի՞, ադա, վրայ տւին իրար յետեւից հիւրերը ու մի ակնթարթում բերած պաշարեղէնը Վանէսի ձեռքից առնելով, դարսեցին սպիտակ թիթեղով ծածկած սեղանի

վրայ, ու սկսան ախորժակով այնպէս ուտել, որ կարծես օրերով սոված լինէին:

Երբ գլուխները մի քիչ տաքացան, նոր միայն յիշեցին մանուկին ու նորածնի ծնողներին:

Օհանը բաժակը լցրեց, նոյնը պատուիրեց անել միւսներին, և ցոյց տալով, իբր թէ մտածած ասելիք ունի՝ սկսեց.

— Ա, խիզան, լաւ լսէք... մահը մերն ա, մենք՝ մահինը, մեր սաղ չարչարանքը նրա համար ա, որ լաւ օր քաշենք. աշխարհի որ քունջ ու պուճախում էլ ըլենք, մեր տունը գեղումն ա, էս դարիւր եօլքում, որ մենք էսօր ուրախանում ենք, հալբաթ մի պատճառ կայ... էս խմենք էն պատճառի, այսինքը՝ մեր Վանէսի կնոջ ու նորածնի կենացը. հօրն ու մօրը բարի գաւակ ըլի. ծեր օրերին քեօմադ, պահի, պահպանի, ուրախացնի:

— Սմմէն, բացականչեցին հիւրերը:

— Ա Վան, գլխներին անպակաս ըլես, աւելացրին մի քանիսը ու դատարկեցին բաժակներով ի գինին:

Քէֆը կատարեալ դարձնելու համար մասլեօնչիկ Շամիրը իր եղբօնեայ շին հարքել էր սեղանակիցներին աւելի ուրախացնելու համար. նրա ախորժ նւազի հնչիւնների տակ կապիտալի սարուկները իրենց ցաւն ու հոգսը պահ մի մոռացած՝ սրտանց ուրախանում էին ու զւարճանում...

Յանկարծ դայերի ոռնոցի նման լսեց նախահանքերի ու գործարանների շշակների ու գուգօկների վայոցը... կարծես նրանց գլխին սառ ջուր մաղեցին:

— Քո տէրը մեռնի, սիվիստօկ, գոչեց Վանէսը սիրտը կոտրած, ու վայրկենապէս նրանց բոլորի ուրախ տրամադրութիւնը փոխեց տխրութեան. այդ վայրկեանին «թոփալ» վարդազարը— տիրոջ հաւատարիմ այդ ծառան— երկար մահակը ձեռքին ներս մտաւ և յիշե-

ցրեց, որ հերթապահութեան ժամը հասել է, պիտի գընալ գործի մէջ գտնուողներին փոխարինել... Հէ՛ որ մեքենան ըսպէ անգամ նոյնց սպասել չի կարող:

Հիւրերը առանց ձէն ծպտուն հանելու ոտքի ելան. Շամիրը լռեալ շին ծախեց ջէրը դրեց, իսկ Դանիէլը ճպճպացող աչքերը Մանասին յառելով կարծես ասելիս լինէր.

Տես, սա քո փանարից պակաս չի լոյս տալիս...

— Է՛ս էլ եանի կեանք ա, որ քաշում ենք, դժգոհելով դիմում էին նրանք դէպի նախահանքերը. մարդ մի քանի սհաթ ուրախանալու ու իր գլխի ազատ տէրը լինելու իրաւունք էլ չունենայ...

— Էդ մէկը դրուստ էք խօսում, վրայ բերեց փիլիսոփայ Մանասը:

Նորածինն էլ քեօմազ չեղաւ ձեզ...

Սեւիք

Ու գնաց խոփը, օտար երկիրներ,
շուգաներ եկաւ,
եւ վերջը մի օր չարքաշ գեղջուկի
նա ձեռքը ընկաւ:

ՀԱՄԱՌՈՏ ՊԱՏՄՈՒԹԻՒՆ

Վառած քուրայում երկաթը կարմիր
փափկել էր, հալւում,
Հզօր մուրճի տակ, կռռ սալի վրայ,
ծեծւում ու ծալւում.
Երկաթն էր ողբում — ցայտուն կայծերով —
արցունքի խուրձեր,
Երկաթն էր մեռնում, կրակն էր նրան
շէկ, ճկուն դարձրել:

Դեռ ծնած օրից, երբ բերին նրան
հեռաւոր սարից,
Քիչ ցաւ չէր տեսել, մաշւել անխնայ
հնոց ու հուրից.
Տանջեցին երկար... և նա խոփ դարձաւ
վարպետի ձեռքում,
Քաշեցին մի կողմ — մի կողքի ընկաւ
դժբերանի բախում:

Անցան շատ օրեր և կարծես մոռցան
ամենքը նորան...
Բայց ահա դրին սար-բեռների հետ —
վաճառքի տարան.

Եւ մարդու համար դարձաւ նա անխոնջ
գործիք առօրեայ,
Ու դաշտն է գնում և հովին աշնան,
տօթին ամառայ.
Նրա վեհ ջանքից շատերն են կտոր
հացի սպասում —
Հենց երէկ տեսայ, այնպէս պսպղուն
հոգն էր աղօսում...

Կամարի

ՄՊԻՏԱԿ ՀԵՐՈՍՈՒՅԻՆ

(Բալլադայական լեյտենդա)

Նրանք գնում էին ձեռք ձեռքի տալիս և նոր զարթ-
նած թռչունների նման խօսում—ծլւում էին...

Նորաբողբոջ մի զոյգ էր այդ, որ էն մեծ գիշերը
քայլում էր նեղ փողոցներով...

Նրանք անցնում էին այն թաղերով, ուր շուտ
բազումներն ու մրտաժգններն էին ապրում, ուր
խոնաւ, մութ նկուղներում դարհրով կուտակել էր
հսկայական մի բողբոջ, որ ահա բռնկել էր հրդեհի նման
ամբողջ երկիրը...

Նրանք թողել էին տանը իրենց պապերի խորհուրդ-
ները—չմասնակցել մեծերի կուին—և գնում էին թի-
թեռների նման դէպի կրակը, դէպի վտանգը...

Փողոցներում տենդոտ շարժում, իրարանցում էր,
ամեն ինչ եռում էր ու սև ալիքներով հոսում դէպի
կենդրոնը...

Ամբոխի հետ նրանք հասան լայնատարած մի հրա-
պարակ, ուր խմբել էին հազար-հազարներ և անհան-
գիստ ծփում, սպասում էին...

Վերջապէս ձայն եկաւ վերևից...

Փայտերից մի բարձրութիւն էին կազմել և նրա
վրայից մէկը խօսում էր:

Ո՞վ էր խօսողը—մթնում չէր երևում, բայց նրա
կողմը երբեք չէր անհետնում էր փոքրիկ մի կայծ...

Աղջիկն ու տղան խում էին, ականջները լարում.
նրանց թւում էր, թէ խօսողը այն կայծն է, թւում էր
թէ շուտով երկինքը կը բացւի ու այնտեղից կիջնեն էլի
ժազմաթիւ կայծեր, կիջնի երկրի վրայ լուսեղէն եր-
ջանկութիւնը:

—Լսեցէք էն հզօր ձայնը. դարերով ճշւած ձայնը
բացել է հիմա... նա կանչում է, կանչում...

—Բոլոր կուռքներին, բոլոր հերոսներին նա կան-
չում է քանդելու և ստեղծելու...

—Ամբողջ երկիրը շարժւում է, ամբողջ երկիրը
վառւում է նոր կրակով: Ո՞վ ապրում է, ո՞վ գրում է
նոր կեանքի շունչը, նա պիտի գայ դէպի կուռ, դէպի
յաղթութիւն...

Յանկարծ ամբոխը իրար անցաւ...

—Գալիս են, գալիս, անցաւ բերանից բերան...

Եւ բոլորը շարժեցին առաջ...

* *

Գետնի վրայ դալարւում էին վիրաւորները...

Սպիտակ շորերով մի աղջիկ էր ընկած վիրաւոր,
իսկ նրա կողքին մի տղայ էր ձգել և ուզում էր իր
շնչով կենդանացնել նրան...

—Ես շուտով... կը մեռնեմ... ասում էր աղջիկը...
ես կուզէի, երկար ապրել քեզ հետ, այս կու-
ռքների հետ... ես երազում էի... մենք կը գնանք
բոլոր մարդկանց աշատելու...: Երբ ես կը մեռնեմ,
տա՛ր իմ դիակը... տա՛ր ինձ սպիտակ շորերով կանգ-
նեցրու կուռքների առաջին շարքում և թող նոր բաց-
ւած արևի շողքերը դեռ էլի փայլեն ինձ վրայ...

* *

Ծագում էր արևը...

Այն փողոցում, պատնէշի վրայից նայում էր ա-
րևին սպիտակ շորերով մի աղջիկ...

կատաղի կռիւ էր...

Քանի, քանի անգամ թշնամին յարձակւել էր «Սպիտակ աղջկայ» ամբողջեան վրայ, բայց աղջիկը էլի կանգնած էր անսասան...

Նրա շուրջը ընկնում էին հերոսները, նորերը գալիս՝ նրանց տեղերը բռնում, բայց աղջիկը կար ու կար իր տեղում...

— Ո՞վ է այն անյաղթելի աղջիկը. հրահր է... երկնքից է... չէ, նա այս երկրից չէ, ասում էր թշնամին ու յետ նահանջում...

* *

Պատմում են, որ ժամանակ առ ժամանակ սպիտակ հերոսունին զալիւ է, պտտում է տները ու երկաթէ մուրճով բաղխում դռները. նա դուրս է կանչում իր հերոսներին և տանում է նրանց, տանում է նորից դէպի յաղթութիւն...

Երազի



ԼՈՅՍ ԵՆ ՏԵՍԵԼ

- 1) Մաքսիմ Գորկիյ. Երկու պատմածք X—XI թարգմ.
Յ. Յակոբեանի, գինը . . . 15 կոպ.
- 2) Ա. Բոգդանով. Մարդու և մեքենայի միջև, թարգմ.
Սէ-Դայի, գինը . . . 15 »
- 3) Կարմիր Մեխակներ. Ժողովածու, գինը . . . 15 »
- 4) » » Երկրորդ պլակ, գինը . . . 15 »

Մ Ա Մ Ո Ի Լ Ի Տ Ա Կ Է

- 5) Հիւանդանոցային դրամարկղները. Բ. Սուլժիկի.

ԳԻՆՆ Է 15 ԿՈՊԵԿ





72006